



**Robert Tvrneri Devonii Oratoris Et Philosophi
Ingolstadiensis Panegyrici Dvo**

Turner, Robert

Ingolstadii, Anno M. DC. IX.

Robertvs Tvrnervs Ioanni N. Sacerdoti S. P. D. Venetias. V.

[urn:nbn:de:hbz:466:1-69598](#)

existimatorem nihil meæ causæ officere. quod Anglia
me habeat ciuem, aut Scotia agnatum, dummodò
Ecclesia me amet filium; en tibi me paratum ad om-
nia siue Scotum in Anglo, siue Anglum in Scoto, siue
in utroque utrumque. De stipendio quid regas? nou
quero vitam illam lautam, exquisitissimè volupta-
tibus consertam, sed Germaniam quero nutricem,
VENDIVM Patronum. quare si stipendum tale sit,
ut memineris me esse Sacerdotem, ac VENDII cli-
entem, fuisse eloquentia Professorem ac Collegij Ger-
manici alumnum, reliqua nihil moror. nam et si me
ambiant Padua & Romæ amplissimi viri, tamen
cum Pontifex interponat autoritatem, meq; man-
datu suo extrudat in Germaniam aut partes infe-
stas heresi, ita contemno reliqua, ut instar omnium
rerum putem, latere in tutela & clientela VEN-
DII. vides ergo res meas nutare, quo ad me certi ali-
quid literis doceas, ita tamen nutare, ut certæ propœ
sint ac fixæ in tuae humanitatis singulari spe. Vale.
Romæ. M. D. XXXC.

ROBERTVS TVRNERVS

IOANNI N. SACERDOTI
S. P. D.

VENETIAS.

V.

u

Accepit.

Accepi tuas literas, nolo dicere quas, ne videam
 præter consuetudinem meam, atque adeo contra naturam superbius aut asperius aliquem appelle.
 quid? rogas per Sanctos, ut narrem quas? eis
 hac in causa nihil tibi largiri statueram, non ero tam
 pertinax, ut Sanctos non patiar quidlibet
 à me non dico precibus, sed nutu elicere. quare quod
 per Sanctos rogas, narro quas literas. quas? breuiter.
 querulae sunt, maledicæ, felle ac naturæ tuae acerbitate
 conspersæ. quanquam ut suffundam frigidam,
 sunt etiam elegantes, ac Ciceronianæ dictioñis nota
 per insignes. Sed ne erres de mea mente, malo repa-
 rum eloquentem, quam nimis maledicum. illa est la-
 bes hominis, hæc Christiani. à Christiano si gratia
 absit, atque illæ ex gratia fonte fluentes virtutes, pa-
 tientia in aduersis, quies in turbulentis, in conui-
 tiis taciturnitas; ad inferos amandabunt natura, &
 ex naturæ seminario profecta hæc vitia, maledicen-
 tia in bonos, querela de nugis, conuictia in hostes, si
 quos tamen tu habes hostes, ac non potius omnes a-
 micè fauentes tuis rebus. sed quas narro voces male-
 dicæ? illæ tuae voces de Christianis Macheuillitiū (ut
 vtar tuo verbo) de prudentibus huius seculi, viden-
 tur ne tibi aptè stractæ? aptè, sed ut in meos amicos
 maledicæ. illa tua bella Christiani descriptio, illæ ex
 Matthæo species (nolo eam irrepere in meas literas,
 ita mihi videtur ficta ab ipso Satana) videntur net-
 bi affabré posita? affabré, sed ut in refalsa incepta illæ

alietiae; Non possum, non volo, non me dignum est; Possum per conscientiam, volo per naturam, fecerunt in re non dissimili Sancti; Per naturae, per studiorum, per exilij communionem te rogo, ut feras manu auxiliaricem, voces tam sunt querulae, ut videantur potius profusa a muliercula, quam scriptae a Sacerdote. quid non potes? video abesse gratiam, non vis? reprehendo tuam naturam, potes per conscientiam? o pulchram conscientiam Christi, lege arcte deuinctam, qua posuit iniurias. vis per naturam? doleo tantam esse tue naturae vel obstinationem, vel depravationem, ut velis etiam cum animi labore, fecerunt in re non dissimili Sancti? es egregie Theologus, qui Sanctus Dei (in quos aut non cecidit tanta labes, aut, si ceciderit, expiata fuit perpetuo cinere) affingis tam falsa, rogas per omnia officiorum genera, tibi ut feram manus auxiliatrices? fac ut nolis, quod velis; velis, quod non possis; non possis, quod per naturam velis; non velis, quod per conscientiam possis. & ecce me tibi paratissimum. non est te dignum? at te dignum fuit domirem matri triciam consecrari, abligurire rem tuam, matre esse caussam perpetui luctus, patri certae mortis: at foris non te dignum est tantillum pati, & Catholicum, & exulum, & Sacerdotem. at istud pati, quantum est? nihil sane est, ut nihilo te putem meliorrem si patiaris; at multo sane peiores, quod tua sponte non patiaris. non potes? potuisti pati carcerem de-

scelere, ac tibi in summa rei fœditate gloriosum vi-
deatur; potuisti te obiucere periculo maris, gladij,
mortis; & hoc in rebus pessimis tibi videbatur sum-
ma iucunditate delinitum (non aperio res, tu sati
vides sensum) & iam non potes in caussa meritice-
ra, laudis summa, Dei iusta tantillum pati. non la-
boro, quod hæreticus illa scelera admisisti, tantum no-
to te potuisse pati hæreticum de pessimis, nō posse iam
Catholicum de re optima (si optimè interpreterū) pa-
ti. quid dico pati? eiusq; te elatum esse ira studioq;
vindictæ, ut cogites talia? o generosum Christianum.
cur naturæ tuae obsecutus, ut generosior videare, non
distringis gladium Sacerdos, occultas sicam Catbo-
licus, temperas poculum exul? sunt euersores nostra-
rum facultatum falleris, sunt nostrarum facultatum
fundatores, si paululum modò patiaris. res non pa-
tet, nisi insipienti, quanquam sint euersores, imò
dæmones sint. velim spectes, non quid illi mereantur,
sed quid deceat nos. si sunt impij, Deus dissipabit con-
silia impiorum, quid sumis personam Dei? si sunt i-
nimici, Deus confringet capita inimicorum nostrorum,
quid inuolas in cœli fines? tot sunt domicilia in Ec-
clesia sanctis, tot theatra in mundo doctis, quid ti-
mes? non es domi tuae, ubi omnes salutant Rabbi, u-
foris, quid frendes? foris patiamur modò aliquid, neq;
simus tam delicati, ut velimus extra Aegyptum ulli;
imò tam simus magnanimi, ut nolimus in Aegypto ol-
las, ne peccata nostra augeant nobis pœnam, aliud
lore.

lorem. satis monui, si quid habes conscientiae; si nihil
habes, nimis multum monui. Vale. Romæ.

ROBERTVS TVRNERVS
ERASMO VENDIO S. P. D.

MONACHIVM.

VI.

Eam mihi natura siue indidit modestiam, siue
inuisit rusticatem, ut non possum sine caussa a-
liis esse seriарum cogitationum molestus interturba-
tor. vellem salutare, mentis piæ est in patronos. nolle
esse molestus, mentis officiosæ est in occupatos. eccam
luctam officij cum pietate, atq[ue] ita luctā, vt pietas sàpè
cedat officio. ridebunt me Peripatetici & illi ex aula
polituli quasi hominē cubiculi, non fori. rideant. nam
placet esse Stoico, id est, nunquam felicior homo sum,
quàm cùm solus sum. nam solus tanquam Lælius ver-
sor cum omnibus; solus tanquam Aristoteles obeo ter-
ram & cælos; solus scribo in Reges tam libere, vt hoc
putem esse Regem; solus pugno pro religione tam con-
stanter, vt hoc opinor esse Martyrem; solus non offen-
do, solus non offendor. verùm in hac felicitate, id est,
infortunij, quodd partuum, quos solus ædo sine sola,
formæ sàpè tam sunt illiberales, vt vix ferant oculum
curiosi aulici, nedum prudentis inspectoris. id quod
cùm sàpè mihi accidit, tum maximè in hoc partu, quæ

u 3

effu-